

大佛頂如來密因修證了義諸菩薩萬行首楞嚴經 卷第二

唐天竺沙門般刺蜜帝譯

阿難！譬如有人，取頻伽瓶，塞其兩孔，滿中擎空，千里遠行，用餉他國；識陰當知，亦復如是。

阿難！如是虛空，非彼方來，非此方入。

如是，阿難！若彼方來，則本瓶中，既貯空去，於本瓶地，應少虛空。若此方入，開孔倒瓶，應見空出。

是故當知，識陰虛妄，本非因緣、非自然性。